

A. 7. P.

DISPUTATIO INAUGURALIS MEDICA
DE

DYSENTERIA

QUAM PERMISSU

AMPLISSIMÆ FACULTATIS MEDICÆ
IN ELECTORALI VNIVERSITATE
HEIDELBERGENSI

SUB PRÆSIDIO

VIRI

Nobilissimi Excellentissimi & Experientissimi,
DN. FRID. CHRIST. WINCLERI, D.

ARCHIATRI ELECTORIS PALATINI

ET IN HAC VNIVERSITATE PROFESS.

PVBL. PRIMAR. p. t. DECAN.

SPECTATISSIMI

Dn. Patroni, Præceptoris ac Promotoris
sui æternum colendi

PRO LICENTIA

*Summos in Arte Medica honores, insignia &**Privilegia Doctoralia rite consequendi*

Publico Eruditorum Examine subijcit

IOH. CONRADVS Kapp/

Oringa - Hoënloicus

Ad diem 25. Januar. M. DC. LXXXI.

HEIDELBERGÆ,

Litteris SAMVELIS AMMONII, VNIVERSIT. Typogr.

Digitized by the Internet Archive
in 2019 with funding from
Wellcome Library

<https://archive.org/details/b30766254>



C A P. I.

DE NOMINE.

Cum voces sint signa rerum, & notiones primæ, secundis lucem dent; ex mente saniorum rectè nominis evolutionem Pragmatologiæ præmittimus. Dysenterix nomen latina quidem civitate gaudet, sed ex Græcia receptum est, uti pleraque nomina morborum in Pathologia. Componitur a. ex particula *δύς*, quæ difficultatem quandam, uti in *δυσκοξία*, *δυσχεμία*, *δυστομία*, *δυσπεψία*, *δυσπνοία* &c. videre est: & a voce *έντερον* h. e. intestina: Itaque nomen accipit à symptomate, dolore sc. & à subjecto, nempe intestinis. Celsus quidem alio nomine appellat, **Tormina** sc. à torquendo, quia misere homines torqueat. Hæc vox tamen generalis esse potest & symptomatice quoque de aliis dici, e.g. Colica, Ileo, suffocatione uterina, Diarrhœa, Cholere &c. Germ. *die weisse oder die rothe Ruhr* / &c.

C A P. II.

DE DYSENTERIÆ DESCRIPT.

Abjecto putamine jam ad nucleum. Describitur igitur communiter Dysenteria, quod sit excretio alvi p. n. frequens & cruenta, ferè semper cum dolore ventris & intestinorum exulceratione: proveniens à materia acri, sæpius maligna, intestina erodente.

Hic Generis loco ponitur excretio p. n. indeque manifeste

nifeste constat in Pathologia referri suo merito ad illam affectuum p. n. Classem, quæ symptomata continet: In iis a. non tam prompte ad actiones læsas aut qualitates mutatas, quam ad Symptomata excretorum & retentorum spectat. Est a. differentia huic excretioni addita, quod sit p. n. ne de naturalium excrementorum depositione possit intelligi.

C A P. III.

DE SUBJECTO.

Subjectum sunt ventriculus & intestina primario tenuia; quia ibi citius contagium & humorum major est concursus sc. bilis & succi Pancreatici, tum & humorum vitiosorum ab assumtis ibi sequestratorum: secundario etiam crassa. Ventriculus & Intestinum Colon simul affecta & Sphacelata fuisse in Epidemica hujus loci dysenteria, Anatome docuit.

C A P. IV.

DE CAUSIS.

Causa Proxima sive **Immediata** sunt humores vitiosi, biliosi vel maligni, subsistentes, acriores reddit, intestina erodentes, fibras eorum irritantes & dilacerantes.

Mediatæ vero & **Propinquiore**s sunt humores serosi biliosi tum ex Ventriculo, tum ex poro cholidochæ & ductu Pancreatico sec. Franc. de le Boe SYLV. *Prax. Med. Append. Tract. 10. p. m. 833.* ad intestina affluentes, vitiosam fermentationem facientes.

Remotæ Causæ Naturales sunt I. **Temperamentum** calidum & siccum, quod ad hunc affectum producendum valde

valdè proclive est: etiam si de Temperamento frigidior phlegmatico sc. ubi serum acrius excedit, concedi quoque potest.

II. Aetas: in primis puerilis & juvenilis; hi enim (quia ingurgitationibus valde gaudent) istis affectum hunc concitantibus facile ansam præbent.

Nonnaturales 1. Aër calidus & siccus, æstivus; qui ambiendo ac inspirando suum contribuere potest; humores sc. excitando, rarefaciendo & fermentationem promovendo.

2. Cibi, qui humidi & frigidi horarii, immaturi Ventriculi coctionem depravant, eumque laxant, inflationes procreant, reliquos humores in intestinis præcip, duodeno bilem & luccum Pancreaticum ibi confluentes inficiunt, & vitiosam fermentationem excitant. Hinc bilis ferocia augetur, humoresquè acriores redduntur; præcipuè si accedat usus aliorum per se mordacium & acrium, ut cæparum, allii, &c, ita valdè aromatizantium. Et **Potus** si est vinum novum minus fermentatum ac depuratum, ut & cerevisia sæculenta, quatenus flatus excitare, humores vitiosos accumulare, digestionem nocere eamque impedire possunt. Melch. SEBIZ. in *Spec. Pract. Part. 4. §. 2. c. 18.* inter causas externas numerat Esularum, Tithymalorum, & Mezerei genera: ita Colocynth., Scammonia, Ellebor. alb., Euphorbium &c.

3. Vigiliæ in excessu, quatenus corpus Spiritibus depauperando coctionem lædunt, mitiusque serum acrius reddunt & sanguinem accendunt.

4. Motus violentior statim post assumpta alimenta institutus cruditates parit, spiritus exhaurit atque adeò ad generationem hujus affectus symbolum suum addit.

5. Excreta, si debito tempore non excernuntur sed

intus retinentur: (inprimis biliosa) regurgitant & concoctionem depravant.

6. **Animi affectus** immoderati, ut ira &c. effervescentiam producendo, maxime quoque lædunt.

Inter **Causas** p. n. sunt febres, ventriculi frigiditas, *diarrhæa*, nec non defluxiones à partibus p. n. affectis.

CAPVT. V.

De

DIFFERENTIIS.

Dysenteria alia est cum intermissione modo certo modo incerto tempore affligens, alia a. sine intermissione & continua: alia est maligna & contagiosa (epidemica,) alia minus talis: alia est cum febre & gravibus symptomatibus, alia est febris expers? Practici communiter tres faciunt ejus gradus, *primo* mitem quæ parum differt à Diarrhæa, nisi quod majorem dolorem habeat, & differat ipsa materia excreta: *altera* est asperior, ubi intestinorum interior crusta & sæpe sanguis redditur: *tertia* est deterrima, quando ramenta simul excernuntur, quia facile sphacelus & mors subsequuntur. Huc locus HIPPOCR. in aph. 26. S. 4. Si à dysenteria detento veluti carunculæ successerint, lethale est.

C A P. VI.

DE SIGNIS.

Signa sunt vel Diagnostica vel Prognostica: *Ille* præcipua maxima ex parte in Descriptione sunt exposita: Est n. frequens excretio & quidem cum dolore, interdum ipso excretionis tempore, interdum etiam ante illud: atque ille non tan-

tum

tum sentitur circa umbilicum, modo valde acutus, qui in reſti-
na tenuia affecta indicat modo magis obtuſus, qui craſſa, ſed
& in teſtini recti. Excrementa ſunt pauca ſed bilioſa, primo
mucoſa, alba, progreſſu v. temporis cruenta. Urina pauca
ſed turbida & tartarea. *Hæc Prognostica:* Plerumque even-
tus & præſagium deſumitur ex actionibus, viribus ægrorum &
morborum vehementia. Si igitur acciderit in juvenibus,
viribus nondum dejectis, appetitu adhuc vigente, nulla præſen-
te febre, neque lipothymia, neque convulſionibus, nullo vo-
mitu bilioſo, excretionem non continua, neque cruenta ſed
mucoſa ſaltem; bene adhuc ſperandum. Si a. contrarium, con-
trario quoque modo ſe res habebit.

C A P. VII.

De

C V R A T I O N E

Curatio conſiſtit in morbi ipſius ablatione, tollitur
autem remediis ex fonte Chirurgico, Pharmaceutico, & Di-
ætetico petitis. Ex Chirurgico occurrit V. S. quæ tamen hic
non adminiſtranda erit, niſi ſanguinis copia urgeat & affe-
ctus adhuc ſit in principio, vel ſi inflammatio, vel febris gra-
vior ſuperveniat. V. S. alii ſubſtituunt cucurbitulas, qua-
rum uſum in certis caſibus experientia & ratio laudant.

Ex Pharmaceutico, pro diverſitate cauſarum, partis af-
fectæ & aliarum circumſtantiarum diverſa requiruntur auxilia,
ſi enim Dyſenteria proveniat ex contagio, inſpiratione attra-
cto, ſi fomes mali hæreat in ipſo ſtomacho, ſi adſit nausea,
ructus nidoſus, vomitus, dolor ventriculi: Si æger ſit robu-
ſtus, ſi huic excretioni ſit aſſuetus, ſi tempus ſit æſtivum, in
principio

principio Vomitorium quam maxime convenit; sæpe enim tali præsidio cum saburra corruptorum humorum eliminatur ipsum contagium: ubi v. in intestinis crassis materia morbifica hæret, ubi morbus jam est in statu, ubi natura non inclinatur &c. Vomitoriorum usus haud raro lethalis est. Vomitoria vero illic conveniunt, non acria & diu inhærentia ventriculo (cum talia tonum Ventriculi evertant & actionem ejus lædant) e. g. pul. subtiliss. rad. asari, ras. ungu. & simil. sed à quibus citiorem & tutiorem expectamus effectum, e. g. gum. g., vel Tart.emet. Minf. & his simil. Si ex fructibus crudis originem trahat Dysent. conveniat purgatio apta per alvum, quæ fieri poterit in principio Tamarind. Myrobal. & in primis Rha Barb. flavo vero, quia non solum leniter purgat sed ob partes terrestriores siccatur, materiam tenuem biliosam imbibit & aliquatenus adstringit, potest igitur exhiberi ejus pulv. ʒj ad ʒiʒ. in substantia, vel extr. à ʒi ad ʒiʒ. vel potius ol. rhab. coctum c. sir. viol. mixtum, quod semper felicissime & cum euphoria ægroti operatur, vel ʒ. rhab. ʒiʒ. coroll. r. ppt. ʒʒ. conf. ros. r. ʒiij. M. f. Bol. Si ex humor. vitiosis adhuc influentibus hic affectus ortum habet, confert egregie Theriac. rec. aliaque à flatu quasi saltem ex Opio donata. Opium v. in majori dosi in hoc affectu omnino damnamus, cum Spiritus relictos magis debilitet vel plane suffocet. Si v. affectus proveniat ex humoribus jam præsentibus prodest Decoct. acetos. & portul. admixtis vitell. ov. & simil. de quibus statim. Conveniunt qq. quam maxime medicamenta alterantia, siccantia, modiceq; adstringentia, ut humores biliosi in intestinis fermentantes & effervescentes imbibantur ac præcipitentur, intestina c. Ventriculo sensim ac sensim confortentur, ulceraque eorum consolidentur. Ad hunc

hunc scopum faciunt inter alia Terra sigill. Lemn. bo
arm. corall. crystall. præpar. smaragd. lap. 69. mand. luc.
off. sep. rad. torment. symph. Tinct. corall. sacch. sive dul-
cedo Alumin. Agric. alabastr. cand. 9j. in lacte capr. bibi-
tum: Remediorum enim horum, unius infinitus fere nume-
rus, ita singularis quoque dilectus à Medico conscientioso
& docto invenitur pro variis ex his & aliis inveniendis for-
mulis, quarum & nos ad aliquot usus probatissimas amice
communicatas subnectemus. R. nuc. mosch. 3j. fl.
sulph. 3ij. camph. 2ß. infund. in 3iv. Spirit. cydon. &
extrah. l. a. Tinct. R. hujus Tinct. unc. ij. liqu. corall.
per deliq. unc. j. misc. serva l. a. S. Essentia dysenterica:
dos. a. dr. j. ad dr. j. sem. in liqu. appropri.

R. Spir. terr. sigill. Sal. terr. sig. a. p. æqu. misc. dig.
& circul. l. a. per dies 8. in B.M. vel B.V. S. Essentia
terr. Sigill. R. mag. terr. sig. bol. arm. a. 3ß. mag. co-
rall. r. sang. drac. a. 3j. croc. ♂. 3j. lap. hamat. præ-
par. gr. xv. fl. diaph. Vitri. Antim. 3ß. calc. off. hum. Talc.
calcin. 3j. M. f. pulv. dos. a. 9ß. ad 9j. in phleg. Vitri-
oli: vel aq. pan. substant. vel aq. Pyror. sylvestr. compos.
vel Crollii pulv. dysent. vel Crügnieri Sirub. torment. co-
rallif. qui describitur im Chymischen Frühling. Vel essent.
H, Vitrioli, quæ fit sequ. modo: H granulat. extrah. c.
Spir. Vitrioli l. a. postea præcipitatur pulv. niveus c. Spir.
Vini rectificatiss. qui sedulo edulcoretur; Dos. a. gr. ij. ad
iv. Est præstantissimum etiam medicamentum in He-
ctica.

Nec hic reticendi sunt *Clysteres*, in primis si materia
peccans hæreat in intestinis crassis: ex illis v. requiruntur
partim abstergentes, quales parantur ex hord. tosto, furf. ros.
pariet. verbasc. malv. decoct. in cremore lactis capr. admix-

ro melle violato vel rosato , cum sero castrati hirci , nec non vitell. ov. & sacch. rubro. Partim v. etiam *anodynæ*, qui possunt fieri e. g. ex fl. pap. err. chamom. verbasc. rad. alth. sem. lini &c. ubi vero dolor magis urget , nec his mitigari potest , addi possunt Opiata , nempe laud. op. ad gr. ij. vel iij. , aut Philon. rom. ʒj. ad ʒiʒ. & tandem etiam requiruntur *consolidantes & adstringentes*, qui parari possunt ex rad. torment. symph. filipend. bistort. h. plantag. & simil. Vel ꝛ. ser. lact. chalyb. ꝛ. j. oryz. tostæ mj. coq. l. a. Colat. ꝛꝛ. add. ol. ros. vel cydon. succi plantag. ā ʒj. bol. ʒj. f. l. a. Clyster.


Præsidium egregium in hoc affectu præstant quædam *externa*, ubi ex innumeris saltem quædam addidisse hac vice sufficiant. Illustre namque inter externa medicamentum est Ungu. viride Sereniss. cujusdam Principis, qui inventor illud in plus quam millenis expertus in secretis servat. Componitur vero ex lunaria minore ophioglossa , alchim. pilosell. plantag. sigill. Sal. sanic. ā viridibus & recent. , quæ bene incisa & in mortario lapideo contusa coqu. in crem. lactis mens. 14. usque dum purum putum butyrum remaneat & omnis aquositas consumpta sit : Hinc exprimitur fortiter ut viridescat : Usus hujus ungu. potissimus est pro inunctione spinæ dorsi, licet etiam eximium præstet effectum , si Clyster. consolidantibus ʒi. pond. admisceatur. Laudatur etiam ab aliis Fetus ex decocto persicar. in vino rubro 10. chalybeato : hoc ipso nempe fotu per 2. dies sæpius adhibito se ipsum in adolescentia sua curavit haud infimæ sortis Medicus. Confert qq. si plantæ pedum in aceto, in quo scorix ferri extinctæ & coctæ postea fuere, diutius teneantur : Ventriculo consulere solebat in dysenteria epidemica

demica Anno 1661. Celeberr. Faufius sequ. Emplastro *℞.*
empl. de crusta pan. , diacydon. *f. ā* *℥iv.* pulv. nuc.
mastich *ā* *℥ij.* caryoph. Ind. *℥i.* c. succo absinth. & menth.
nec non aceto ros. irrorata & postea expressa redigantur
coqu. parum in Empl. cui bals. Peruv. in fine addatur. Vel uti
possumus *Cataplasim.* sequ. *℞.* Ther. Andr. rec. *℥ij.* philon.
rom. ol. nucistæ expr. *ā* *℥i.* mag. terr. sig. *℥ij.* bol. armen.
℥ij. præcip. *℥iij.* extr. bistort. torment. *ā* *℥i.* M. S. *überschlag auff den Nabel :* Et hæc ex fonte Pharmac.

Quoad Dieteticum : *Aer* aut natura aut arte sit
temperatus. *Cibus* convenit neq; acidus neq; falsus neq; arom.
multis conditus, modicus, debito tempore assumtus & vim
aliquam adstringendi habens nec non euchymus & eupeptus.
Laudantur Gelatina ex ras. C. C. & ichthyocolla &c. It. panis
c. vino & cinamomo coctus & similia. *Potus* (si febris absit)
sit vinum, nec copiosum nec generosum, austerum, qua-
le plerumque est rubellum. *Sennert.* suadet potum
ex bol. arm. & aliis paratum, It. Vinum vel aq. chalyb. , *▽*
in qua plantago & sim. cocta vel macerata fuere. Alii lau-
dant lac caprin. chalyb. prodest præterea etiam decoct.
hord. c. ras. C. C. , mespil. cydon. &c. Vel Decoct.
mastich. in Vino coctum : Vel aqua vel vinum ex fruct.
prunell. sylv. myrtill. ras. santal. (cujus saltem una species
datur, cum reliquæ sint spurix) rad. acetosæ & pauc. caryo-
phyll. & cinnam. Commendatur & suo merito Emulsio
amygd. d. &c. *Cæterum* in lecto quiescat æger & *Somno*
quantum posset studeat, nec unquam alvi *Excrementa* de-
ponat, nisi summa necessitate ad id compulsus. *Animi*
tandem *Pathemata* inprimis Iram omni studio & opera evi-
tet, ut *Quies* jucunda non minus animo quàm corpori
conci-

concilietur atque adeo hic affectus prædictis vel similibus
necessariis præfidiis DEO benedicente omnino eradicetur at-
que pristinus corpori vigor viresque integræ redeant. Et
hæc ipsa sunt, A. L., quæ abituirentis summa festinatio
spatio nimis angusto deproperare potuit. Tuum erit de
hoc labore, tristitia perturbato animo peracto, benigne
judicare: Neque enim, ut homo, humana à Te aliena
putabis.

A. I. F. E.



AD NOBIL. atque CL. DN.

CANDIDATVM!

Morborum sunt mille modi, sunt milleque mortes
• Et medicamentum sunt quoque mille modi.
Felix qui potuit morborum noscere causas;
Sed magis est felix, qui bene reddit opem.
E coelis est nostra salus, Superumque favore
E morbo in vitam præstat adire novam.
Hac virtute bona RAPPI quoque macte subinde;
Ut sunt mille necesse; sint Tibi mille bona!

αὐτοσχιδίας!

effudit

GEORGIUS FRANCUS,
Univerſit. Pro-Cancellarius.